

Recens 1464.

Jezierski [Paludani]



2053

I. Max. St. Dr.

P

Paludani Steph. Mendel. Triumphus. claudens.

POËTAE POLON.

N. 104.

Biblioteka Jagiellońska



stdr0004471



TRIVMPHVS
SANCTORVM

PARTEMII. M. ROM.

PHILIPPI NERII Conf.

ET

BASILIDÆ M. ROM.

Ex Ærario Gratiarum

Ab VRBANO VIII. fel. rec.

Abundè adornatus.

Breui varioque Carminum apparatu

STEPHANO STANISLAO PALVDANO,

Vice-Decano Eccl. Collegiatae S. FLO-

RIANI Clepard.

ILLVSTRATVS.

Anno SERVATORIS 1644.

CRAGOVIAE.

In Officina Christophori Schedelij, S. R. M. Typog.



508

In imaginem S. MARTINI Tutelaræ Ecclesiæ
Clobucensis, pauperi seminudo chlamy-
dem largientis.



Exspoliant alii MARTINVS vestit egentem:
Militis, ô minimè militis ingenium!



Adm. Rndo. Patri in Christo Domino,

D. IOANNI MSTOVIO, PRÆPOSITO,
totique Religiosissimo Canonorum Regularium
DIVI AVGVSTINI in Cœnobio Clobu-
censi Cœtui.

Stephanus Stanislaus Paludanus
perennem Felicitatem.

Permotus famâ Triumphantium Vestris in oris, meo ve-
rò patrio solo Diuorum, spectator exilis partu ingenij
onustus, applausurus accurro Adm. RR. DD. Faculam
quidem ad Solem, & tenebras ad Lucem appono. Ve-
rum cum sua lucerna Diogenis fuerit in meridie, sitq; vmbreis pictis
in tabulis gratia; meam hanc qualem cunque opellam Soli & Luci Ob-
orientium in terrâ nostrâ Tutelarium adiungendam, perque manus
Vestras offerendam duxi; ratus aliquid defuturum Victoribus in
cælo coronatis, nisi tenebras lucubrationis palpabiles Luminibus tan-
tâ maiestate hic coruscantibus adiunxissem. Valete, & Ciuem ac
Tribulem Vestrum redamate

Stephanum Stanislaum
Paludanum.



Omnia enim potest pulvis Cypriani cū
oratione. D. Greg. Nazian.

Facultas Ordinarij Librorum
Censoris.

Imprimatur cum Licentia Su-
periorum.

AD DIVVM
MARTINVM

Antistitem Turonæ,

ET

DIVAM MARGARITAM

Virginem ac Martyrem,

Tutelares ac Præsides Templi Clouacen.



I Ngens Turonæ præsidium tuæ,
Laxata scissi tegmina pallij
MARTINE profer, Dardanorum
Reliquijs cumulande, Diuûm.
Vectus citato nubis in effedo
Sic Te supernis infer ab ædibus,
Vt euibrato Luna Soli
Noctiuago vehit astra curru;
Aut purpuratus cùm Cytherëio
Occurrit Atlas Hesperia aliti,
Vel cùm redundantes serenæ
Post Hyadas recreantur auræ:

Conchyliati Tu quoque mûricis
Pallam decoris indue brachijs

O Virgo, quæ gemmis propinquum
Nomen habes, graue MARGARITVM.

Redempta multo serica sanguine,
Nec non cruento sformata coccino

Produc, paludatamque fume
Non solitis chlamydem Triumphis.

Fax ominatas Hospitibus vias
Sereniori lampade denoter;

Nutent percussis tenaces
Luminibus Procerum corona.

Quonam diurnæ Phœbe iubar rotæ
Deliberato niteris impetu?

Deprome vultu Clobucenis
Lumina nobiliora terris.

Intaminati prodiga sanguinis
Agnosco sacris vergere plausibus

PARTEMIANI membra Solis;
O Latij columen Gradiui!

Quis ille verò deproperantium
Flicus quadrigarum irreuolubili

Vultu serenat? cuius ore
Romulidûm tonuere Rostra?

Inauguratos ô igitur lares
PHILIPPE vises? è niueis vbi

Extollit AVGVSTINVS aris
Explicitis sua Castra signis.

Erecta sacris atria postibus
Cfobuciorum culmina Cœlitum
Spectate, vectam dedicatis
BASILIDAM radiare templis.
Fauete Ciues, non popularia
Vestro vehuntur munera climati:
Trinam Triumphantum carinam
Ne Lechico prohibete portu.
Seruata cælo Numina, Pignora
Seruanda terræ, plectra Quiritium
Auditis? En fulget corusco
Nobilitas opulenta vultu.
Exercitatam fulgure gloriæ
Virtus iuuentam dulcè micantibus
Ornat coronis; affonantes
Pallade congeminante cantus.
Quin & superstes gratior aspici
CHLORIS recenti gestit in otio
Nutrire pratorum venustos
Cæsarie viridante partus.
Procumbit omni poplite Ciuitas,
Et hospitales tendit ouans manus,
Et gaudet occurrisse Trinis
Hospitibus populi caterua.
Ridet voluptas mentis anhelitu,
Votiuâ Diuum flamma recentibus
Crebrescit Aris, & fragranti
Thure calent Superis acerræ.

O Martiorum sidera pectorum
Locanda templis Clobucienfibus,
Inferte MARTINO perennes
Laurigeris Cineres triumphis.

IN S. MARTINVM

Basilicâ suâ, Diuorum
PARTEMII, PHILIPPI NERII Conf.
Et BASILIDÆ Martyrum Reli-
quias recipientem.

EPIGRAMMA I.

Naturæ priscos repetis MARTINE colores,
Cui vt larga fuit mens, ita larga manus.
Olim vestieras in egenti paupere Christum,
Cum tegeres medio corpus inerme fago.
Hospitio recipis seruos iam, macte, Tonantis,
Proficis: in Superos largus es, inque Deum.

EPIGRAMMA II.

Cvm pare par graditur, vetus vt paroemia dicit;
Hinc olor, atq; lupo, gaudet olore, lupo.

Rege Dynasta libens fruitur, Mauortis alumnum
— Herodés rapiunt, docta Minerua Sophum.
Sic sua quisq; fouet, fouet & dignatur honore
MARTINVS Diuos, vt pote Marte pares.

EPIGRAMMA III.

NON iam purpureo voluuntur sanguine riui,
Pugnantum iam non ora celestia canunt.
Bellica raucifonos reboant non cornua cantus;
Turba perennè sonans sed modulatur lo.
Si quid inest causæ, vis scire? coronat agema
Victorum Præsul, Victor & ipse, TRIVM.

S. PARTEMIVS M.

ANAGRAMMA I.

PARTEM SVI S. M.

OSse medullato Chiron nisi pâsset Achillem,
Elumbis, fractus viribus atque foret;
At quia magnanimi mandebat crura leonis,
Amphitryoniadæ terror, onusq; fuit.
Impavidum reddit si bruta sagina leonis,
Quî pavidum facient Martyris Ossâ Dei?
Ergo sume celer (nam robur in Ossibus hæret)

PARTEMII PARTEM, quâM dat in OSse SVI.

B

SAN-

SANCTVS PARTEMIVS

ANAGRAMMA II.

SVSCITAT SVPERNAM.

MOles nulla ferè citiùs quàm nostra deorsum
Composito fragili tendit, & æquat humum.
Pronus in omne malum rapitur quis præpete cursu,
Hunc natura parens lubrica sæpè ciet.

Aggrauat heu miseri pigra sarcina corporis illam
Quâ similes, mentem, reddimur Astriculis.

Ambigo quid faciam, luctor cum parte supernâ:
Erigit hæc fursum, deijcit inferior.

SVSCITAT vt credo PARTEMIVS sponte SVPERNAM,
Infernæ quæso porrigat eia manum.

SANCTVS PARTEMIVS

ANAGRAMMA III.

NACTVS PARTEM SVI.

PARTEMIVS diuisus erat, cùm venit ab Vrbe
Ædes in Cracias, & iuga Sarmatiæ.

Pars Borææ celsit, Lybico pars corporis; inquit;
Scrutabor partes dimidiumque mei.

Ergo

Ergo SUI PATREM veniens huc NACTVS, Amicos
Indigitat, sunt hi pars mea, & alter ego.

SANCTVS PARTEMIVS

ANAGRAMMA IV.

NACTVS PATREM SVIS.

PResbyterum, Patrem sancto de more salutant,
Diues opum, sapiens, dux, idiota, famens.
Quinetiam serui Nāaman ad nomen herile,
Vt Fasti memorant, apposuerunt Patris.
Munificus Pater est MARTINVS, quem pius Hospes
Est NACTVS PATREM, pignoribusque SVIS.
O Præsul, Patre Te quando nouus incola gaudet,
Ciuibus antiquis inclytus esto Pater.

SANCTVS PHILIPPVS NERIVS.

ANAGRAMMA I.

Sine Puppis, CHRISTVS Luna.

DCeani fluctus PUPPIS noctemque timere
Iam SINE, CHRISTVS erit LVNA serena tibi.
B 2 SAN-

SANCTVS PHILIPPVS NERIVS

ANAGRAMMA II.

TV SVPPAR ES PINNIS LVCIS.

NOlo tuas volucres, rutilans ô Phœbe, quadrigas,
Deturbant cœlo quæ Phaëronta tuum.
Nolo mihi monstres stridentia plaustra Bòótæ:
Alas stelliferas prendo PHILIPPE tuas,
Et bigas, quæ Cœlicolis sociant volo: nam quæ
TV SVPPAR PINNIS LVCIS ES; alter Atlas.

SANCTVS PHILIPPVS NERIVS

ANAGRAMMA III.

THVS SVPPLES, PAN VINCIRIS.

SEgnem deficiunt heu me pia thura Polonum,
Quæis Superùm colles, vel calefiat Eös.
Te velut incensum posco mihi suâue, PHILIPPE,
Ne renuas, SVPPLES THVS benè semper olens.

Et quia Pastores generas Euangelus, inde
VINCIRIS, traheris PAN quoque funiculis,
Funiculis inquam, quos contorsere, sacratis,
Gratia, mens hominum lilina, Dius Amor.

SANCTVS PHILIPPVS NERIVS

ANAGRAMMA IV.

RECINAS, THVS, NILVS, PVPPIS.

O mihi si RECINAS, titulo quo Phœbe PHILIPPVM
De NERIO digner? nomine quoué colam?
THVS caeleste vocem? raræ virtutis odore
Omnibus exemplo Thuris ad instar erat.
NILVS erat, largo per egenos fonte refusus,
Gangeque nobilior, splendidiorque Tago.
PVPPIS erat, mundi volitans impune per æquor,
Colligit Elysio sed modò vela solo.
NILVS opes animi voluit; THVS fragrat amores;
PVPPIS inexhaustas Numinis haurit opes.

SANCTA BASILIDA MARTYR.

ANAGRAMMA I.

TRANSI, AD LAC MATRIS ABI.

EVax Indigenæ modici quos compita claudunt
Oppiduli, gressûs agglomerate leues.
Campos turmatim vestros peragrate patentes,
Tam vir, quàm mulier, virgo, puella, senex.
Fæmina Clobucios Martyr peregrina Penates
Attingit, proprio murice picta caput.
Purpureo quamvis veniens de rore propinat,
TRANSI quilibet, AD LAC citò MATRIS ABI.

SANCTA BASILIDA
MARTYR.

ANAGRAMMA II.

AD BASIM ARCA TRANSILIIT.

Pignora BASILIDAE cur fert incognita tellus,
Eruta de Latio Romulidumque solo?
Aufonijs Diuam quis quæso pellit ab oris?
Aut cur ignotam quærere cogit humum?
Nemo: sed è tenebris septeno munere plena
ARCA BASIM AD celsam BASILA TRANSILIIT.

SANCTA BASILIDA
MARTYR.

ANAGRAMMA III.

MARTINI LITABIS AD ARAS.

QVÆ

QVÆ facies rerum? quis nunc comparuit Ordo?
Quo folio, vel quo Codice colligitur?
Prodigium video sat grande; virago Sacerdos
Conspicitur, ritu constituenda nouo.
Iam scio: MARTINI Neomyſta LITABIS AD ARAS,
Cum ponêris ibi Victima grata Deo.

SANCTA BASILIDA MARTYR.

ANAGRAMMA IV.

AD CASTRA MARTINI ABIS.

O Iterum terris in ijs res mira videtur!
Heröina sonat, quæ modò Myſta fuit.
Quæ Metamorphosis? Tibi num Bellona genitrix?
Quàm citò bellatrix, hem, mea BASILIDA!
Suadeo, ſed fruſtra: nam virtus Te tua ducit:
CASTRA AD MARTINI candida fortis ABIS.
Progreditor felix, quo Te Diuina vocauit
Maieſtas, & ouans prælia noſtra gere.



Sacrorum Loculorum conditorem MAT-
THIAM nomine.

Quem piget in Loculos, loculos conuertere, Diuūm,
Non fatagit loculo commodiore capi.
Tē super optima fors cecidit, qui Lipsana curas
Vrñā Sanctorum splendidiore regi.
Nam licet vñdenos inter nequeas numerari
Discipulos, capiet te Duodena cohors.

Quatit Auctij Lipp



Audi dauid

unquam



